

四庫全書

史部

欽定四庫全書

史部

畿輔通志卷五十七

詳校官監察御史臣劉人睿

檢討臣德生覆勘

總校官進士臣繆琪

校對官中書臣范鏊

謄錄監生臣鄒世俊

欽定四庫全書

畿輔通志卷五十七

土產

石屬

玉

名勝志玉田龐山南即種玉山也

瑪瑙

宣化縣志鎮城四角洞出然亦僅見

水晶

宣化縣志鎮城北黃尖山出

琉璃

宛平出

畫眉石

燕山叢錄宛平齋堂村出石黑色而性不堅金時

宮人多以畫眉

燕石

山海經注燕山多嬰石似玉有符采嬰帶名勝志
滿城玉山多白石如玉所謂燕石次玉者也

上水石

花斑石

蔚縣出

白玉石

五雜俎京師北山大石窩水中產白石如玉採供
大內堦砌欄楯之用柔而易琢鏤為龍鳳芝草形

採盡復生

礪石

保安州出

豆查石

盤山志石大數十丈或方或圓如鑿如削又能壯
樹大凡依石之樹倍大

元精石

金史地理志邢州產

赭石

山海關出

磁石

唐書地理志惠州土貢磁石宋史地理志磁州貢

磁石

礞石

龍門縣出

文石

唐書地理志邢州土貢文石永平府志灤河出文

石

黑石

遵生八箋燕中黑石狀若英石紋片皴裂可作研

山但石性鬆脆不受擊觸

火石

懷來縣志火石嶺產五色火石

金砂

盤山地多金砂雨後晶光耀目

解玉砂

宋史地理志邢州貢解玉砂燕山叢錄玉田縣南有溫泉砂隨水出色白而細磨治金玉能令光瑩又名寶砂靈壽出

硯

稗史彙編薊州產褐黃石硯理麤發墨不滲類夔石土人刻成研以草灰煨之遂變紫用之不燥

礬

宣化縣志有五色馬鞍山出磁州志西山一帶入穴數十丈見水取其清者煉成黑礬濁者成黃礬
石炭

戒菴漫筆北京諸處多出石炭俗稱為水和炭可和水而燒也磁州志出州西山入穴取之深數十丈先見水水盡見砂石砂石盡見炭有三種初得者為山青次為大青末為下架或煉為焦炭備冶

鑄之用

煤

撫寧縣志椒果山東為六羅山上莊坨其西為石
嶺皆產煤

包金土

昌平州志紅舌山出宣化縣志鎮城及蔚州出色
微黃中帶金星用以泥祠殿壁

白土

隋圖經常山房子城出白土細滑膏潤可以塗飾
兼用濯錦可致鮮潔燕山叢錄豐潤琵琶山產白
土如粉可飾屋壁

綠土

蔚州出

紅土

不灰木

石質木性易州滿城蔚州出可製為盆爐等器

石灰

貨屬

金

金史地理志大興府產金銀銅鐵元史食貨志金
之所在腹裏曰檀州永平府志寬河川出又盧龍
陽山溪中所出色艷而小如粟粒淘之得不價工
銀

元史銀在大都者至元十一年於檀州奉先等洞

採之十五年於薊州豐山採之

銅

金史地理志正定府產銅畿輔舊志白溝河東北五里有銅礦山今無採者

鐵

漢書地理志北平有鐵官後漢書漁陽泉州有鐵和帝紀永元十五年復置涿郡故監鐵官唐書地理志馬城東北有千金冶秋澗集元燕北燕南設

立鐵冶十七處歲課鐵千六百餘萬明統志遷安
盧龍二縣出暇老齋雜記正統初軍器之鐵取足
遵化昌平山水記檀州大峪錐山有鐵鑛明時亦
嘗開採今封閉

錫

永平府志遷安出丹錫

銅鏡

畿輔舊志易州出者最著

絲

唐書地理志滄州邢州土貢絲太平寰宇記趙州
產絲河間府志宋河間繭絲織絰之所出貢絲大
名府志土宜桑絲然近時樹藝者少織絰不廣魏
縣志民務蠶繅絲成則坐貿山右客商

綿

唐書地理志幽州范陽郡冀州信都郡易州莫州
土貢綿宋史地理志莫州慶源府貢綿太平寰宇

記幽州土產綿金史地理志河間府產無縫綿畿
輔舊志保定正定多植之

絹

隋圖經清河絹為天下第一唐書地理志幽州范
陽郡瀛州河間郡莫州文安郡冀州信都郡深州
饒陽郡趙州趙郡魏州土貢絹宋史地理志霸州
清州保州信安軍永靜軍順安軍河間府冀州深
州慶源府恩州貢絹滄州貢大絹充和志貝州磁

州澶州貢絹太平寰宇記幽州貝州土產絹金史
地理志大名府產鰲殼絹畿輔舊志屯絹出京都
者佳次則廣平之清河又生絹黃白二種出易州
者最著

紬

唐書地理志易州定州土貢紬洺州土貢紬綿紬
魏州土貢花紬綿紬平紬紬宋史地理志雄州洺
州貢紬保定軍貢紬祁州貢花紬安肅軍貢素紬

大名貢花紬綿紬平紬元和志洺州貢綿紬縑纈
魏州貢綿紬平紬澶州貢平紬太平寰宇記洺州
土產平紬純子紬畿輔舊志曲周肥鄉綿紬最著
長垣縣志紬帕粗備一方之需非精好可致遠

羅

唐書地理志常山土貢孔雀羅瓜子羅春羅定州
土貢羅宋史地理志正定府貢羅金史地理志涿
州貢羅

綾

唐書地理志幽州范陽郡土貢綾定州土貢細綾
瑞綾兩窠綾獨窠綾三包綾熟線綾太平窠字記
涿州土產綾宋史地理志中山府貢大花綾金史
地理志平州貢綾長垣縣志唐土貢定額韋城曰
方丈綾紗曰下舊聞范陽之綾貢於唐宋霸州亦
產絲絹元於涿州設錦局織染提舉司不知何時
遂休其蠶織也

錦

杜佑通典趙郡貢錦五十疋

刻絲

蓼花洲閒錄定州織刻絲不用大機以熟色輕於
本杼上隨所欲作花草禽獸狀以小梭布緯時先
留其處以雜色線綴於經緯之上合以成文不相
連承空視之如雕鏤之象故名刻絲

布

唐書地理志滄州邢州土貢布太平寰宇記趙州
貝州土產布廣羣芳譜肅寧之布幾同松之中品
河間府志土布細者次於吳中

氈

唐書地理志貝州土貢氈覆鞏氈杜佑通典清河
郡貢氈十領宋史地理志恩州貢白氈太平寰宇
記貝州土產白氈靴氈

席

唐書地理志澶州土貢鳳翮席景州滄州土貢葦
簾杜佑通典景城郡貢細簾四領宋史地理志開
德府貢葦莠席永靜軍貢簾金史地理志河間府
產蘭席

紙

帝京景物略有貢箋有綿料邊又有白箋洒金箋
五色粉箋金花五色箋五色大簾紙磁青紙畿輔
舊志永平桑皮者著開州志清河濱人多造紙為

業頗佳

墨

唐書地理志易州土貢杜佑通典上谷郡貢墨二

百挺

筆

秋澗集燕之筆霜雪穎也勁而莫為屈

陸薰香

百州學海邯鄲出

函

周禮考工記燕之無函也非無函也夫人而能為
函也

角弓

唐書地理志幽州瀋州土貢角弓

刀

唐書地理志邢州土貢刀

瓷器

唐書地理志邢州土貢瓷器宋史地理志邢州貢
白瓷錢金史地理志正定府產瓷器定州志窑器
珍於天下江南好事者往往蓄之索諸定茂如也
磁州志彭城鎮燒造甕缶盆碗鑪餅諸種有黃綠
翠白黑各色然質厚而麤只可供市肆莊農之用

鹽

周禮職方氏幽州其利魚鹽史記燕有魚鹽棗栗
之饒漢書地理志章武縣有鹽官括地志滑鹽地

宜五穀有鹽池之利寰宇記渤海在鹽山縣東北
一百三十里鹹土在縣東七十里四周一百五十
里地帶海濱其土鹹鹵海潮朝夕所及百姓煮之
為鹽今沿海有場設官司之長蘆鹽課出於縣者
十有五六金史食貨志大定年置滄寶坻鹽司明
制書北平河間鹽場二十四處歲辦鹽六萬三千
一百五十三引三百觔零天津衛志大海去城百
餘里商出百萬之課民獲興販之利魚鹽之數也

冀州志舊有火鹽甚佳今無

硝

金史地理志大名府產硝畿輔舊志有朴硝焰硝
多產斥鹵中大名府志出硝河

鹵

金史食貨志刮鹵土煎食者杖

黃蠟

蜜

畿輔舊志山蜜多白家蜜多紅

白膠

唐書地理志漁陽郡土貢白膠

酒

宋趙珣熙寧酒課十萬貫以上滄二十三務正定

八務定六務五萬貫以上澶九務

原闕

瀛十

務棣十三務邢十二務深五務趙七務磁十一務

祁三務保一務三萬貫以下莫四務雄一務乾寧

二務霸四務安肅一務永寧二務廣信一務順安
一務北平一務一萬貫以下信安一務保定一務
宋張能臣酒名記澶州中和堂正定府銀光河間
府金皮又玉醞保定軍知訓堂又杏仁定州中山
堂又九醞保州巡邊銀條又錯著水棣州延相堂
恩州棟米又細酒洺州玉瑞堂夸白堂又玉友邢
州沙醞金波磁州風麴法酒深州玉醞趙州瑤波
定州瓜麴又錯著水宋周燁北轅錄燕山酒固佳

所餉尤為醇厚名金澗蓋用金澗水以釀之也五雜俎京師
有薏酒淡而有風致易州酒勝之而淡愈甚鳳洲
筆記薊州薏苡仁酒三屯營所造更勝河間府志
酒多以菊名然推滄產

炭

昌平州志光祿舊額炭四百觔暖姝由筆內用炭
俱圓木所燒長尺許兩頭磨光外有麻路恐爆用
礬糠火煨熟一筐可三四十斤

禽屬

鶴

灰白二種熱河進榛子峪夾嶺虬松蒼蔚鳴鶴飛

翔

青鶴

拾遺記幽州之墟有善鳴之禽人面鳥喙八翼一
足毛色如雉行不踐地名曰青鶴

鵝

昌平州志光祿舊解額鵠六千根

雞

鴨

鴈

爾雅翼北方有白鴈似鴻而小色白秋深乃來來則霜降

鷹

酉陽雜俎鷹有房山白紫背細斑便兔生房山白

楊椶樹上向范陽中山飛
漁陽白腹背俱白便兔
生徐無及東西曲白葉樹上向章武合口博海飛
黑皂鸛生漁陽山松柏樹上向章武飛
白皂鸛生漠北枯柏樹上向中山落
陽章武飛青斑生代北
白楊樹上向靈邱范陽飛
明志昌黎縣道者山出
鷹鸛

鵬

文獻通考雲州唐貢鵬羽

鷄

舊志雀鷹也其類有馬雄細雄舵兒鬆兒等名

鷂

似鷹而腿差短使遼錄北人二月三月放鷂號海
東青打鴈松雪齋集皇慶元年賜大都留守伯帖
木兒白兔鷂一翎翮皓潔白雪同皎至延祐元年
毛羽變赤光采艷奕異於尋常

魚鷹

淘河

鸛

天鵝

燕山叢錄灤縣西有延芳淀遼時每季春必來此
弋獵打鼓驚天鵝縱海東青擒之

鵲

俗呼青莊

鷓鴣

黃鳥

草木蟲魚疏幽州謂之黃鸝

聖祖御製避暑山莊詩序甫田叢樾之西夏木千章濃陰數

里黃鳥好音與薰風相和

布穀

雉

爾雅雉絕有力奮北方曰鷩水經注磨笄山每夜有野雞羣鳴於祠屋上故亦謂雞鳴山天府廣記

昌平駐蹕山西北崖間鳥窠雉四徧其巖穴

鳧

又名野鴨

燕

帝京景物略采育東有阜高丈廣三四十尺曰聚
燕臺歲秋社京畿城村燕各將其雛聚此臺呢喃
竟二日而後去

鴛鴦

鷺鷥

油葫蘆

鳧之小而肥者

烏

魏書靈徵志景明四年幽州獻四足烏正光元年
幽州獻三足烏正光元年幽州獻白烏舊志白頸
者名寒鷄

鵲

魏書靈徵志延興二年四月幽州獻白鵲

鳩

草木蟲魚疏雉鳩深目目上骨露出幽州人謂之
鷺鷥鷺鷥幽州人謂之鷺鷥鷺鷥舊志祝鳩最多
祝鳩即鷺鷥

鷺

鷺鷥

城北集以玉田豐潤永平產者為佳毛勁者如竹

葉軟者如芙蓉

相思鳥

桑鴈

一名蠟嘴

鷓鴣

夢溪筆談鷓鴣之小而綠色者北人謂之蜚

阿鷓

似山鵲而小

北畫眉

一名灰串

飛生鳥

畿輔舊志居庸出狀如蝙蝠而大產婦持其毛皮

易生

地鵝

似鴈無後跡

鷓鴣

爾雅注俗呼茲老

鷓鴣

爾雅注大如鴿鼠脚無後指慙急羣飛出北方沙漠地一名沙雞亦呼半翅

鷺

一名啄木

姑惡

一名苦鳥

黎雞

翠雀

多生草際

拖白練

即練雀

瓦雀

俗呼家雀

靛雀

大似瓦雀土人呼為自自回回

麻料

紅料

黃雀

小丹邱容談京師田雀以四月肥背有黃羽與江鄉純色者別以江南食法製之亦甚腴美蓋江南黃雀所食者稻疑北地以食麥而肥也

桃雀

禽經狀類黃雀而小燕人謂之巧婦亦謂之女匠
貯點紅

獸屬

馬

左傳冀之北土馬之所生史記貨殖傳龍門碣石
北多馬牛羊旃裘筋角魏都賦冀馬填廐而馭駿
唐天文志冀之北土馬牧之所蕃庶故天苑之象
存焉杜陽雜編范陽節度使李懷仙貢九花蚪額

高九寸毛拳如麟身被五花紋海錄碎事周時燕
王進馬一形十影言其駿也明王嘉謨石甕記幽
薊馬四足可當中之產保安州志馬多自口外
至者

羸

驢

牛

周禮職方氏冀州其畜宜牛羊爾雅北方之美者

有幽都之筋角焉考工記燕之角材之美者也淮南天文訓北方其地多牛羊文獻通考雲州唐貢犖牛尾

羊

豕

符子朔人獻燕昭王以大豚年百二十矣人謂豕仙方言燕謂之豕

鹿

聖祖御製避暑山莊詩序流杯亭之北瓜圃平原如掌豐草
茂木麋麕雉兔交牧其間唐六典冀州貢鹿角膠
久罷天府廣記昌平駐蹕山西北山鹿之毳豪緒
之毛丰茸隨風

麋

又麋形似麋俗呼香麋杜佑通典媯川郡貢麋香
十顆

麇

天府廣記自高梁至德勝小山至衆獸有虎豹奇狸
豪豬兔麂

麂

虎

山海經幽都之山上有元虎元豹圖書編走碣石
最高峰西望連巖邃谷大麓多虎豹熊羆所伏游
豹

唐書地理志營州土貢豹尾皮骨蝟

熊

唐書地理志平州土貢熊鄴明一統志蔚廣多出
熊膽撫寧縣志熊山舊常產熊

狼

野豬

狐

舊志種類不一灤州止馬山出者毛深厚色赤魏
縣舊志土貢狐皮一十八張

貉

獾

魏縣舊志土貢麋獾貉皮六十二張

狸

薊邱集京師北山獸有虎豹奇狸

青羊

宣化出

黃羊

明一統志味甚美宣化出

秋羊

宣化出

犬

宋書五行志幽州有犬鼻行地三百餘步

地猴

一名黃鼠狼霏雪錄黃鼠畏地猴入其穴則啣黃

鼠喙曳而出之

黃鼠

昌平州志黃鼠足短善走見人則交其前足拱而如揖昌平山水記黃花鎮有鼠色如鼯而毛淺澠水燕談契丹國產大鼠曰毗狸形類大鼠而足短極肥其國以為殊味

兔

唐書元宗時創集賢書院河間景城清河博平四郡歲貢兔皮千五為筆材樂亭縣志海中形如半

月廣數十頃名月坨其間草木繁殖雉兔充斥冰
合時居民嘗射獵於此

貓

燕京賦注波斯貓極大拂菻狗極小今為京師土
產

松鼠

盤山志有二種一小者大不過三寸通身豹紋最
靈點名松鼠一大者灰色善盜果實名臊鼠

鼬

臊狗

盤山志狀似狸黑黃色走峭壁迅疾如飛

水族

魚

周禮職方氏幽州其利魚鹽史記燕有魚鹽棗栗之利

鯉

山谷別集燕人膾鯉方寸切其腴以啗所貴舊志
出鰓華者佳鱗金色目皆赤暈又出漳滏中肥而
味亦美順義縣志白河最佳俗云順鯉

鯉

灤州志三月以後出海

鯽

永平志灤河偏涼汀產最佳大者重三四觔味美
湖湘不及

魯

天津灤州四月以後出海

鱣

牛魚

王易燕北錄牛魚嘴長鱗硬頭有脆骨重百觔即南方之鰓魚也鰓與鰓同

羊魚

天津出形圓尾似牛尾多刺手不可觸

魴

草木蟲魚疏魴廣而薄肥恬而少力細鱗魚之美者漁陽魴似魴而頭大或謂之胡魴

白魚

水經注大防嶺山下有石穴其水夏冷冬溫春秋有白魚出穴數日而返人有採捕食者美珍常味蓋亦丙穴嘉魚之流類也

鰻

灤州出者佳

巨羅

細鱗多刺天津呼為騰香魚

鰕

銀魚

寶坻縣志銀魚霜降後自海中蛤山出逆流北上

薊州溫泉下育子其色瑩白如銀

黃花

鯉

俗呼黑魚一名七星唐書地理志滄州土貢鯉鱖
通典景城郡貢鯉鱖三百五十挺

白條

似銀魚而身細肉薄乾可以蓄俗曰麵條天津永
平出

鱖頭

俗呼鯉後

鱗

鮒

寰宇記武安朱衣山下有水北流中有鮒魚名朱衣鮒鱗色如金腸似朱

比目

魚惟一目行則二魚相附北游紀方房山甘池石將軍廟下穴中有一目魚長可四寸每於清明日出穴析津日記甘池有魚一目涿水有魚重唇土

人呼為鞋底魚

八帶

永平府志形若革囊口在腹下八足聚生口旁如帶即烏鰂魚

黃姑

鮎

石鰱

新城縣志三伏以前西山雨後水漲有魚隨水而

下曰石母長三五寸味不甚佳至雄縣生子乃曰
石鰾逆水北上物躍中河雄人伺於津梁渚溪間
取之白溝河亦然石鰾子長寸餘至二寸許味肥
美

鰲

汪刺

房魚

出海中大如房或隨潮陷沙上土人取脂煎油

海鮐

永平出形如黃姑大不過二三兩

鯊

鮫

出海及灤河

河豚

丸子

灤河出身黃頭大有翅無鱗

金魚

帝京景物略金有魚藻池魚之種深赤曰金瑩白
曰銀雪質墨章赤質黃章曰瑇瑁魚有異種者曰
銀鞍曰鶴珠曰七星曰八卦有蝦種者曰銀目金
目雙環四尾

魚子

河間府志津門所饒

龜

鼈

蝦

金史地理志河間府產錢蝦天津志有虹蝦線蝦

對蝦

蟹

唐書地理志滄州土貢糖蟹遼志渤海螃蟹紅色

大如碗螯巨而厚金史地理志河間府產春渚記

聞霸州邊塘灤霜蟹不論錢天津衛志秋間肥美

味甲天下

蛭

螺

燕山叢錄豐潤海出螺大者如斗其殼可以代甌
小者如拳殼可製杯土人謂小者為贏

蚌

蛤

有海蛤文蛤

蠣

蚶

蛙

一名蝦蟆又蟾蜍祁州出蟾酥元志宋村有蟾池

青雞

俗呼田雞

蟲屬

蠶

史記貨殖傳燕代田畜而事蠶

蠶

爾雅翼北方地燥多在土中故多土蜜方言燕趙之間謂之蠮螋其小者謂之蠮螋舊志有土蜂蜜蜂馬蜂各名

蝶

蟬

帝京景物略土人呼為唧蟬三伏鳴者聲躁以急

曰伏天入秋而涼鳴則淒短曰秋涼

蜻蜓

帝京景物略大而青者曰老青紅而黃者曰黃兒
赤者曰紅兒好擊水而飛

絡緯

帝京景物略便腹青色以股躍以短翼鳴其聲聒
聒以其聲名之曰聒聒兒

莎雞

草木蟲魚疏如蝗斑色毛翅數重下翅正赤幽州人謂之蒲錯

蟋蟀

草木蟲魚疏似蝗而小正黑光澤如漆幽州謂之趣織帝京景物略別種三肥大色澤如油曰油葫蘆首大者曰椰子頭銳喙者曰老米嘴

蟋蟀

舊志即寒蟹

蟲螽

舊志俗呼螞蚱

鼃龜

爾雅疏自關而東趙魏之郊謂之鼃龜或謂之螭
蚺方言北燕謂之螭蚺又一種扁薄作幕貼壁間
北人呼為壁繭又螭蚺長脚此蟲著人衣則有喜
幽州謂之親客

蛾

蚓

蝙蝠

正字通北燕呼為蠟螟

蝸

蜥蜴

潜確類書守宮也北燕謂之祝蜥

螢

蝨斯

詩註蝗屬

蝗

扈從日錄螞蟻墳在海子東南清明日蟻數萬聚此

螳螂

爾雅疏燕趙之際謂之食龐其子名螬蛸舊志俗呼刀郎

蠶

草木蟲魚疏 蠅幽州謂之蠅 癸辛雜識北方火蠅
比之常蠅極小其毒甚酷

蟬

即蠹魚

螟蛉

竈馬

蟻

水牛

帝京景物略金光綠色甲堅而鬚勁以動曰金牛
兒黑色白點曰春牛兒

斑蝥

牛蠔

蛇

爾雅翼幽都之山黑水出焉其上有黑鳥黑蛇耳
譚西山潭柘寺殿中二蛇長五尺餘名大青小青
燕山叢錄薊中不產蛇獨百花山有七寸蛇至毒

盤山志有五百善蛇潛天城寺塔下嘗來僧座下
聽法又布雲虎虵屬俗呼四脚虵

蜚虵

蜈蚣

毛詩名物解廣雅曰蜈蚣蜈蚣性能制蛇北燕謂
之蛆蝶大者謂之商距一名馬陸

蠅虎

蝟

蝨

夢溪筆談信安滄景之間多蚊蝨夏月牛羊皆以
泥塗之不爾多為蚊蝨所毒則狂逸不可制

蝨蛄

爾雅翼今人謂之土狗北方謂之地蝨

蝨街

即蚰蜒方言趙魏謂之蚨虬北燕謂之蚰蛄

蠅

蚊

蟬
蟬

畿輔通志卷五十七

欽定四庫全書

畿輔通志卷五十八

封爵

昔者先王建邦設侯分茅胙土所以褒有德導勤勞
用鎮撫四海承衛天子也塗山之會號稱萬國湯受
命時凡三千國周封五等公侯伯子男六千有八百
餘國

京畿之地包絡幽并冀兗粵稽上古陶唐氏實始封於

此夏有昆吾商有孤竹迨武王克殷封黃帝之後於
薊召公於燕康叔於衛其後成王封周公之子於邢
而鮮虞無終曲梁古小侯之國見於春秋者往往而
是秦裂封建而為郡縣然漢以來高祖子弟同姓為
王者九國功臣侯者百餘人河間中山信都廣川並
食采於茲土自時厥後諸侯或驕奢不軌於法隋唐
以還懲未大不掉之咎制州邑立守宰雖有推封繫
之以空名而已然其名不可得而廢也於是采封爵

之著於

京畿者自古迄於前明具之為譜

古封國

唐

帝堯帝嚳之子姓伊祁氏代兄摯立始封於唐故號陶唐今唐縣定州境以唐水名也其曰順德唐

山者
訛

昆吾

夏時封國今大名府地

孤竹

商封國今永平府地春秋為肥子國為山戎國

薊

樂記武王克殷未下車即封黃帝之後於薊今薊州密雲地

燕

周召康公姬姓武王克商封於北燕自召公以下無考至九世孫惠侯始見史記在春秋時最為僻

小見於經者甚稀戰國時為齊所并其後昭王即位周樂毅勝齊至王喜為秦所併自惠侯傳至桓侯凡八侯自莊公傳至文公凡二十公自易王傳至王喜凡七王共四十三傳歷八百二十餘年按燕有二惠侯二釐侯二宣侯三桓侯三文侯蓋國史之誤爾今東北自永平東南至河間北境西南至保定北境皆其地

衛

姬姓侯爵武王同母弟康叔封於衛成王時入為司寇建國河淇之間至秦二世國除今大名府元

城開州清豐諸處皆其地

邢

姬姓侯爵成王封周公第四子為邢侯今順德府邢臺縣

曲梁

春秋時晉附庸戰國屬趙今廣平府永年曲周皆其地

新昌

古小國今保定府即其地

無終

古小國春秋時猶存今遵化玉田境有無終山

肥子

春秋時有山戎肥子二國今永平府

鼓

左傳昭十五年晉伐鮮虞圍鼓克之以鼓子戴觀歸杜注鉅鹿下曲陽縣有鼓聚

鮮虞

古小國今祁州曲陽正定獲鹿井陘元氏新樂皆其地

奚

古小國春秋時子爵後併於趙今正定府行唐縣

肥

古小國左傳晉荀吳滅肥以肥子緜臯歸即此肥今藁城縣

趙

其先與秦共祖至周幽王時叔帶去周如晉事晉文侯五世而後生趙夙晉獻公賜趙夙耿夙生趙

衰七世而始命為侯十傳而後為秦所滅今正定順德廣平皆其地

魏

姬姓侯爵文王子畢公高之後也武王克商封高於畢遂為姓其後絕封有畢萬者事晉獻公帥師伐魏滅之獻公遂以魏封畢萬為大夫世秉晉政傳至斯分晉地受命為諸侯是為文侯至假凡九傳為秦所滅今大名府大名縣即其地

按秦楚之際起兵自立者趙王武臣為陳王將軍將兵下七十餘城二世八月自立為趙王李良既殺武臣張耳陳餘收趙散兵擊良敗之二世二年春正月耳餘立歇為趙王燕王韓廣為武臣將兵徇燕二世元年九月至薊自立為燕王項羽滅秦以趙相張耳素賢從入關立耳為

常山王燕將臧荼從楚救趙因從入關立荼為燕王均係僭竊非裂土受封者比緊不登錄

西漢

趙隱王如意

高帝子九年封孝惠元年為呂后酖死無後

趙共王恢

高帝子十一年封為梁王呂后七年徙趙其年自殺無後

趙幽王友

高帝子十一年封為淮陽王惠帝元年徙趙十年呂后幽殺於邸孝文元年子遂紹

封孝景時以
逆誅國除

河間文王辟疆

趙幽王子文帝二年封子哀王福嗣無子國除

燕靈王建

高帝子十一年燕王盧綰叛明年封建為燕王立十五年呂后殺其子無後

欽定四庫全書

晉書通志
卷五十八

燕敬王澤

高帝從祖昆弟高后七年封琅瑯王孝文元年徙封傳嘉定國除

河間獻王德

景帝子二年封傳共王不害剛王堪頃王授孝王慶至元坐罪國除成帝建始

元年立元弟良為河間王子尚嗣王莽時絕

趙敬肅王彭祖

景帝子前二年封廣川王四年徙趙傳頃王昌懷王尊尊無子宣帝立尊

弟哀王高傳共王充至隱王莽時絕

平干頃王偃

趙敬肅王子武帝時封子繆王元嗣坐罪國除。平干今廣平府

中山靖王勝

景帝子前三年封傳哀王昌康王昆侈頃王輔憲王福懷王循循無子國絕成

帝鴻嘉二年復立憲王弟孫利鄉侯子雲客為廣德王無子絕哀帝復立雲客弟廣漢為廣平王無

後平帝元始元年立廣川惠王曾孫倫
為廣德王奉靖王後王莽時絕

廣川惠王越

景帝子中二年封子繆王齊嗣傳至去
坐殺姬不道徙上庸國除宣帝地節四

年復立去兄戴王太子海陽嗣坐罪國除平帝元
始二年復立戴王弟子瘡為廣德王奉惠王後子

赤嗣王莽時絕○廣

川今河間府景州

清河哀王乘

景帝子中三年
封無子國除

常山憲王舜

景帝子中五年封子
勃嗣坐罪廢國除

正定頃王平

常山憲王子以兄勃坐罪廢封平為正
定王傳烈王偃孝王由安王雍共王普

至陽王
莽時絕

燕刺王旦

武帝子元狩六年封
坐謀逆自殺國除

中山哀王竟

宣帝子初元二年封為清河
王三年徙中山無子國除

中山孝王興

元帝子建昭二年封為信都王十四年
徙中山子衍嗣後入繼大統是為平帝

立東平思王孫桃鄉侯子成都
為中山王奉孝王祀王莽時絕

信都王景

中山孝王孫先封為定陶王奉恭王後哀
帝建平六年徙信都王莽時絕。信都今

冀州地

廣川王宮

江都易王子武帝元狩二年謀逆自殺孝
平元始二年王莽為政欲繼絕世立官為

廣川王奉
易王後

燕王慶

春陵侯故同產弟更始入關封更始敗沒於軍子順歸光武封武成侯傳遵弇

趙景王張耳

初從楚入關封為常山王後為陳餘所擊敗歸漢立為趙王諡景子敖嗣坐貲

高事降為宣平侯

燕王盧綰

幼與高帝同里門從擊項籍籍亡復擊燕王臧荼有功封為燕王十二年反亡

羹頡侯信

高帝兄子七年封立十三年有罪削爵一級為閭內侯今宣化府懷來縣有羹頡山

州鄉侯禁

河間獻王子武帝時封傳齊惠商伯禹王莽時絕。州鄉今河間府河間縣

阿武侯豫

河間獻王子武帝時封傳宣信嬰齊黃長久。阿武在今獻縣地

景成侯雍

河間獻王子宣帝時封傳歐禹福。景成今河間府獻縣

高郭侯瞋

河間獻王子宣帝時封。今河間府任邱縣有高郭城。

參戶侯免

河間獻王子武帝時封。傳嚴元利親度。今天津府青縣有參戶城。

平隄侯昭

河間獻王子宣帝時封。傳榮曾世育。通始。今冀州東強縣有平隄城。

樂鄉侯終

河間獻王子宣帝時封。傳蒯鄧勝地緒。樂鄉。今保定府清苑縣。

柏暢侯終古

趙敬肅王子武帝時封。子侯朱嗣。今保定府城南有柏陵城。按柏陵史記作

柏暢漢書
表作柏暢

卬會侯仁

趙敬肅王子武帝時封。傳慧賀張康重答。卬會。今廣平府肥鄉縣。

南緣侯佗

趙敬肅王子武帝時封。坐酎金免。今順德府鉅鹿縣有南緣城。

鄣侯舟

趙敬肅王子武帝時封坐祀詛誅。今趙州柏鄉縣有鄣城。

抑裴侯道

趙敬肅王子武帝時封傳尊章景發。今廣平府肥鄉縣有抑裴城。

封斯侯胡傷

趙敬肅王子武帝時封傳如意宮仁。封斯在今趙州。

烏氏侯賀

趙敬肅王子武帝時封傳安意千秋漢強鄴王莽時絕。今趙州隆平縣東北有烏氏城。

將梁侯朝平

中山靖王子武帝時封坐酎金免。今保定府博野縣西有將梁城。

陸城侯正

中山靖王子武帝時封坐酎金免。陸城在今保定府蠡縣南。

新處侯嘉

中山靖王子武帝時封坐酎金免。今定州東北有新處城。

安險侯應

中山靖王子武帝時封坐酎金免。今定州東有安喜城即安險章帝更名。

廣川侯頗

中山靖王子武帝時封坐酎金免

臨樂侯光

中山靖王子武帝時封。今河間府寧津縣有臨樂城

柳宿侯蓋

中山靖王子武帝時封子蘇嗣。今慶都縣東南有柳宿城

廣望侯忠

中山靖王子武帝時封傳中何齊遂閣。今保定府西南有廣望城

樊輿侯修

中山靖王子武帝時封傳過倫異衆士生自予王莽時絕。樊輿今保定府清苑縣地

陰安侯不害

濟北貞王子武帝時封傳秦容無後國除。今大名府清豐縣北有陰安城

蒲領侯嘉

廣川惠王子武帝時封。今河間府阜城縣有蒲領城

棗彊侯晏

廣川惠王子武帝時封坐酎金免

新市侯吉

廣川繆王子昭帝時封傳義欽
○今正定府新樂縣有新市城

樂信侯強

廣川繆王子宣帝時封傳何賀涉
○樂信在今保定府東鹿縣南

歷鄉侯必勝

廣川繆王子宣帝時封傳長壽宮
東之○今趙州寧晉縣有歷鄉城

桃侯良

廣川繆王子元帝時封傳
敵狗○今冀州有桃城

臨河侯賢

代共王子武帝時封坐酎金免
今大名府開州西有臨河廢縣

柳侯陽已

齊孝王子武帝時封傳罷師自為
軻守○今天津府鹽山縣東有柳城

復陽侯延年

長沙頃王子宣帝時封傳漢道
○今冀州東強縣有復陽城

新昌侯慶

燕刺王子宣帝時封傳至稱未央
○今保定府新城縣東有新昌城

邯溝侯偃

趙頃王子宣帝時封傳勝度定
○今廣平府肥鄉縣有邯溝城

樂陽侯說

趙頃王子成帝時封傳宗崇鎮
今正定府獲鹿縣東北有樂陽城

曲梁侯敬

平干頃王子宣帝時封傳時光
瓠辯○曲梁今廣平府永年縣

平鄉侯壬

平干頃王子宣帝時封傳
成陽○今順德府平鄉縣

廣鄉侯明

平干頃王子宣帝時封傳安周齊
克國○今順德府任縣有廣鄉城

樂平侯永

河間孝王子
成帝時封

西梁侯闢

廣川戴王子宣帝時封傳廣宮敞
今保定府東鹿縣西南有西梁城

和陽侯安

中山頃王子宣帝時封傳遂
固○和陽今順德府南和縣

東安侯强

魯孝王子宣帝時封子拔嗣

房山侯勇

城陽荒王子元帝時封

安平侯習

長沙孝王子元帝時封子嘉嗣

益昌侯嬰

廣陽頃王子元帝時封傳政福
○今順天府霸州有益昌城

廣平侯德

廣陵孝王子元帝時封

柏鄉侯買

趙哀王子元帝時封傳雲譚

武鄉侯慶

高密頃王子成帝時封子勣嗣

樂平侯訢

淮陽憲王子成帝時封

高陽侯並

淮陽憲王子
成帝時封

桑邱侯頃

東平思王子成帝時封。今保定府安肅縣有桑邱城。

昌城侯豐

東平思王子成帝時封。昌城今河間府阜城縣地。

清河定侯王吸

以中涓從起豐至灞上為騎郎將入漢以將軍擊項籍侯二千二百戶傳

至彊仇不
害充國

廣平敬侯薛歐

以舍人從起豐至灞上為連敖入漢以騎將定燕趙侯四千五百戶傳山

澤穰
去病

曲逆獻侯陳平

以楚都尉歸漢為護軍中尉出奇計定天下侯五千戶傳買悝何何坐罪

誅元始時鳳始爵闕內侯
○曲逆今保定府完縣

曲周景侯酈商

以將軍從起岐攻長社以南定漢蜀
三秦擊項羽侯四千八百戶傳寄堅

遂成世宗終根元始
時猛賜爵闕內侯

陽信侯呂青

以漢五年用令尹初從功北堂邑侯千
戶傳臣義它善談陽○陽信今河間府

慶雲
縣

安國武侯王陵

起兵定南陽屬漢王擊項籍侯五千
戶傳忌游辟方定襄○今保定府祁

州南有
安國城

棘蒲剛侯陳武

以將軍從起薛擊齊歷下侯子
奇謀逆誅○棘蒲今趙州地

武強侯嚴不識

以舍人從起沛入漢擊項籍用將軍擊黥布侯傳嬰青翟仁

貫齊侯合傅胡害

以越戶將從破秦入漢定三秦以都尉擊項籍侯六百戶傳方山赤

遺猜世。今保定府東鹿縣西南有賞城

肥如敬侯蔡寅

以魏太僕從漢王破龍且及彭城侯千戶傳戊奴福。肥如令永平府

任侯張越

以騎都尉從擊燕代功封坐匿元罪免。任今順德府任縣地

斥邱懿侯唐厲

以舍人從擊項籍有功封侯千戶傳朝賢尊廣意。斥邱令廣平府成安

縣

辟陽幽侯雷食其

以舍人從侍呂后孝惠入楚侯子平坐謀逆誅。今冀州有辟陽城

安平敬侯鄂秋

以謁者從定諸侯舉蕭何功侯二千戶傳嘉應寄但但坐罪誅

北平文侯張蒼

以客從起武陽至灞上為常山守得陳餘侯千二百戶傳奉類類坐臨諸

侯喪免。今保定府滿城縣北有北平城

復陽剛侯陳胥

以卒從入漢擊項籍侯千戶傳嘉拾強幸

中水嚴侯呂馬童

以郎騎將從擊龍且項籍侯千五百戶傳敗青眉德宜城建明。中

水今河間府獻縣地

平棘懿侯林摯

以客從斬章郎所置蜀守侯千戶傳辟疆常驩。今趙州有平棘城

深澤齊侯趙將夕

以趙將降漢屬韓信定趙齊侯七百戶傳頭至脩史延世。即今

保定府
深澤縣

歷侯程黑

以趙將從擊項羽攻城縣有歷縣故城

宋子惠侯許應

以趙將從擊定諸侯封五百三十六戶傳留九通○今趙州有宋子城

寧嚴侯魏邀

以舍人從起碣擊臧荼侯千戶連指都○今宣化府有寧城

堂陽哀侯孫赤

以中涓從沛入漢擊項籍陳豨侯八百戶傳德明○堂陽今冀州新河縣

廣阿懿侯任敖

以客從起沛擊項籍陳豨侯千八百戶傳敬但越人定○今趙州隆平縣

東有廣
阿城

煮棗端侯革朱

以越連敖從擊諸侯功侯九百戶傳式昌奉○今冀州東強縣有煮棗城

桃安侯劉襄

以客從起定陶擊英布侯千戶傳舍由自為益壽

樂成節侯丁禮

以中涓從起碭入漢定三秦擊項籍侯千戶傳馬從吾客義禹○樂成今

河間府
獻縣

南宮侯張買

以父越人為高祖騎將從軍高后時以中大夫侯子生坐罪免

脩侯周亞夫

絳侯周勃子文帝時封○脩今河間府景州地

陽信侯劉揭

為典客文帝時以功侯二千戶子中意罪免

弓高壯侯韓隤當

故韓王信子文帝時復降歸漢侯傳則說說興曾實○弓高今河間

府東
光縣

故安節侯申屠嘉

從高祖功食邑五百戶文帝時以丞相侯傳共史。故安在今易州

東南

中邑侯朱進

高后時以執矛從入漢破曹咎封傳悼。中邑今長蘆地

新市侯王棄之

景帝時父悍以趙內史王遂反不聽死事子侯傳始昌

容城攜侯徐蘆

景帝時以降王侯七百戶傳經光光坐法死國除。今保定府容城縣西

北有容城故城

道侯陸彊

以匈奴王降侯千五百七十戶景帝時封子則嗣以罪誅。今保定府涿水縣北有

道城

范陽靖侯范代

景帝時以歸降侯六千二百戶傳德政。范陽今保定府定興縣

易侯僕隰

景帝時以降王侯千一百十戶無後

亞谷簡侯盧它之

景帝時以故燕王綰子復降歸漢侯千戶傳種漏賀。今保定府雄

縣有亞谷城

合騎侯公孫敖

武帝時以擊匈奴至右王庭封。今天津府鹽山縣有合騎城

成安侯韓延年

武帝時以父千秋為校尉擊南越死事子侯千三百十戶

荻苴侯韓陶

武帝時以朝鮮降相封。今天津府慶雲縣有荻苴城

成安嚴侯郭忠

昭帝時以張掖屬國戰功侯七百四十二戶傳遷賞長萌每

博陸侯霍光

昭帝時以奉車都尉捕莽何羅封傳禹陽。今順天府密雲縣有博陸城

安平敬侯楊敞

昭帝時以丞相侯七百戶以定策功益封共五千五百四十七戶傳忠譚

長羅壯侯常惠

宣帝時以軍功侯二千八百五十戶傳成郎翕無後。今大名府長垣縣

北有長
羅城

章武景侯竇廣國

景帝時以皇太后弟侯萬一千戶傳定常生坐罪免。章武今河間

地府

南皮侯竇彭祖

景帝時以皇太后兄子侯傳良桑林坐酎金免

平恩戴侯許廣漢

宣帝時以皇太子外祖父昌成君侯五千六百戶傳嘉況旦敬。今

廣平府曲周縣有平恩城

樂昌共侯王武

宣帝時以帝舅關內侯六百戶傳
商安。樂昌今大名府南樂縣

武陽項侯史丹

以宣帝為太子時輔導舊恩侯十三
百戶傳郎獲。武陽今大名府地

安平侯王舜

宣帝時以皇太后兄侍中中
郎將侯十四百戶傳章淵買

將陵哀侯史曾

宣帝時以國戚侯二千二百
戶無後。將陵今河間府地

樂成敬侯延壽

宣帝時以關內侯有舊恩侯
十五百戶傳湯常恭去疾

曲陽煬侯王根

元帝時以關內侯凡再益封共萬二
千四百戶子涉王莽時為直道公後

被殺

高陽侯薛宣

成帝時以丞相侯千九十戶後坐罪免

章鄉侯謝殷

平帝時以中郎將有功封章鄉在天津府滄州東南

東漢

元氏王欽

光武族父更始入關封建武二年改封泗水王

趙孝王良

光武叔父建武二年封廣陽王五年徙趙十三年降為趙公子節王栩頃王商靖王

宏惠王乾懷
王豫獻王赦

中山王茂

欽從父弟王莽末起兵後降光武封中山王十三年以疏屬降為懷侯

中山簡王焉

光武子建武十五年封左馮翊公十七年進爵為王三十年徙封中山王傳憲

弘暢推雅
無子國除

廣平王羨

明帝子永平三年封無後國除

常山王昞

明帝子永平五年封建初四年徙淮陽

樂成靖王黨

明帝子永平十五年封子哀王崇嗣無子和帝立崇兄修侯巡為樂成王是為

釐王子隱王賓嗣無子立濟北惠王子蕞為樂成王後坐罪貶延光元年以河間孝王子得嗣靖王後以樂成比廢絕改國曰安平是為安平孝王子續嗣坐不道誅國除

鉅鹿王恭

明帝子永平十五年封建初三年徙江陵

清河孝王慶

章帝子建初四年立為皇太子後廢為清河王子祐入嗣殤帝是為安帝乃上

慶尊號曰孝德皇子愍王虎威嗣無子立樂安王寵子延平為清河王是為恭王子恭坐事自殺國除立安平孝王子經為甘陵王奉孝德皇祀是為威王子貞王定嗣立四年子獻王忠嗣無後國除

河間孝王開

章帝子永元二年封分勃海樂成涿郡為國傳惠王政貞王建安王利至陔魏

受禪降為侯

廣宗殤王萬歲

章帝子永元五年封分鉅鹿為國無子國除

蠡吾侯翼

河間孝王開子元初六年立為平原懷王後子志嗣入繼大統是為桓帝更封帝兄

都鄉侯碩為平原王留博陵奉翼後
○今保定府博野縣西南有蠡吾城

解瀆亭侯淑

以河間孝王子封淑卒子長嗣長卒子宏嗣入繼大統是為靈帝○今保定府

唐縣有

解讀亭

廣平忠侯吳漢

以中興功建武二年封食
四縣圖像雲臺子成嗣

阜成侯王梁

以中興功建武十三年
封圖像雲臺傳至堅石

修侯杜茂

以中興功光武即位封樂鄉侯建武二年
進封苦陘侯十三年增邑封修侯圖像雲

臺十五年坐罪削戶

邑降封鄉侯傳元奉

阿陵侯任光

以中興功建武元年封圖像雲臺傳隗
屯勝世。阿陵今河間府任邱縣地

中水侯李忠

以中興功建武二年封食邑
三千戶圖像雲臺傳威純廣

東光侯景丹

以中興功封圖像
雲臺傳尚苞臨遽

安平侯蓋延

以中興功建武二年封食邑萬戶
圖像雲臺傳扶側側坐罪國除

靈壽侯邳彤

以中興功建武元年封圖像
雲臺傳湯某某無後國除

昌城侯劉植

以中興功建武二年封圖像雲臺傳向
述述坐罪國除。今冀州有昌成城

觀津侯劉喜

植弟以中興功封。今
冀州棗強縣有觀津城

新處侯陳俊

以中興功建武二年封
圖像雲臺後定封祝阿

東光城侯耿純

以中興功建武六年封圖
像雲臺子阜嗣坐罪國除

成安侯臧宮

以中興功建武二年封圖像雲
臺後定封朗陵傳信震松由

房子侯鄧晨

先武姊婿也以中興功封後徙封西華
傳常固國福。房子今趙州臨城縣地

陽平侯桓焉

榮之孫初拜太傅以輔導功封傳至典。陽平今大名府地

平鄉侯謝安

順帝末羣盜起安率衆斬劇盜徐鳳功侯三千戶

高陽鄉侯陳蕃

靈帝即位以太傅輔政封

薊侯公孫瓚

靈帝時為奮威將軍以討賊功封

高陽鄉侯蔡邕

獻帝時以左中郎將從遷都長安封

南鄉侯陳茂

郭后叔父梁之壻以恩澤封

武陽侯竇憲

章德皇后兄和帝即位后臨朝拜大將軍封食邑二萬戶坐罪自殺

樂平侯梁棠

和帝母梁貴人父竦之子
和帝親政後封子安嗣

修侯董重

靈帝母孝仁董后
兄子靈帝即位封

三國魏

燕王宇

太祖子太和六年封增邑至五千
五百戶子奐嗣後入繼即帝位

中山恭王衮

太祖子黃初三年封子宇嗣

范陽閔王矩

太祖子早卒以樊安
公均子敏嗣傳至焜

樂陵王茂

太祖子建安二十二年封萬歲亭侯
黃初中進封樂陵增邑至五千戶

趙王幹

太祖子黃初二年封燕王又改河間
樂成鉅鹿乃封趙王增邑至五千戶

陽平縣王蕤

文帝子黃初七年封
後改封北海子贊嗣

東武陽懷王鑒

文帝子黃初六年封無子國除。東武陽即今大名府地

元城哀王禮

文帝子黃初三年封以任城王楷子梯嗣累增邑至四千五百戶

邯鄲懷王邕

文帝子黃初三年封以任城王楷子溫嗣增邑至四千四百戶

清河悼王貢

文帝子黃初三年封無子國除

廣平哀王儼

文帝子黃初三年封無子國除

常山正定王嘉

楚王彪子正元年封

樂平成侯王朗

魏建國以軍祭酒領魏郡太守文帝即位為司空封子肅嗣

樂平定侯董昭

太祖時以籌策功封千秋亭侯後進爵樂平食邑千戶子胄嗣

陽平壯侯徐晃

太祖時征伐有功文帝即位封食邑三千一百戶傳蓋霜

長垣敬侯衛臻

太祖時參丞相軍事文帝踐祚封安國亭侯正始中進爵長垣食邑千戶

子烈

嗣

容城成侯盧毓

太祖時為丞相法曹後以僕射封高樂亭侯進爵容城食邑二千三百戶

孫藩

嗣

廣平肅侯辛毗

初從袁紹太祖克鄴表毗為議郎文帝時封為廣平亭侯子敞嗣

長樂亭侯田豫

太祖時為丞相軍謀掾文帝時以軍功封食邑五百戶子彭祖嗣○長樂

今大名府

南樂縣地

高陽鄉侯母邱興

黃初中為武威太守以討叛功封子儉嗣後進封安邑侯

晉

安平獻王孚

宣帝次弟泰始元年封邑四萬戶孫穆王隆嗣無子國除

范陽康王綏

宣帝弟武帝受禪封傳虓黎

高陽王睦

宣帝弟武帝受禪封中山王邑五千二百戶後徙封高陽孫毅嗣傳文深法連宋受

禪國除

趙王倫

宣帝第九子武帝受禪封後以罪誅

燕王機

文清惠亭侯宣帝子早卒武帝受禪封機為燕王邑六千六百六十三戶後增戶至二萬

子幾
嗣

高陽元王珪

安平獻王孚子武帝受禪封邑五千五百七十戶傳哀王緝訟

常山孝王衡

安平獻王孚子武帝受禪封邑三千七百九十戶子敦嗣

樂平王延祚

文帝子太康初封無子

河間平王洪

義陽王望子武帝受禪封傳混滔休

河間王顥

太原烈王瓌子徙封河間後為南陽王模所殺

渤海王恢

武帝子無後

樂陵武公石苞

以破諸葛誕功封東光侯武帝即位進封樂陵郡公傳統宗

鉅鹿元公裴秀

以從討諸葛誕功封魯陽鄉侯武帝即位進爵鉅鹿郡公傳濟顧嵩

安平元公王沈

高貴鄉公將攻文帝沈奔告以功封安平伯武帝即位進爵為公傳浚道

素崇之

上谷郡公孟觀

以受賈后旨殺楊駿封後坐趙王倫黨誅

遼西公段匹磾

以父務勿塵助東海王越有功封遼西即今永平府地

東明亭侯李矩

以代氏齊萬年功封

博陵亭侯諸葛恢

以討周馥功封。博陵即今深州安平縣地

堂陽子石鑒

武帝受禪封後拜司空封昌安縣侯謚元

元魏

長樂王壽

章帝後文成時有援立功封後坐罪誅

常山王遵

昭成帝孫道武時以佐命及征伐功封後坐罪賜死傳素可悉陵陪斤

北平王懋

常山王遵後孝武時封

魏郡王毗

常山王遵後孝武時封

清河王紹

道武子天興時封後有罪伏誅

河間王修

道武子天賜時封子錫兒嗣有罪國除

長樂王處文

道武子天賜時封無子國除

廣平王連

道武子天賜時封

陽平王新成

景穆帝子太安三年封傳顯宗廢坐罪國除

廣平王洛侯

景穆帝子和平時封傳匡獻祖育勒

博陵王暢

景穆帝孫孝武時封

廣川王略

文成子延興時封傳諧靈道

河間王若

文成子太和時封子琛嗣

趙郡王幹

獻文帝子太和時封傳謚謚

高陽王雍

獻文帝子太和時封子弼嗣

清河王懌

孝文子太和時封

廣平王懷

孝文子太和時封

漁陽王尉眷

以軍功封子多侯嗣

趙郡王穆亮

以積功封後降為公傳紹長嵩

長樂王稽敬

以獻懷長公主子封

北平王長孫嵩

以軍功封鉅鹿公太武即位以定策進爵北平王傳敦

廣平王杜遺

以密皇后兄封子元寶嗣

博陵郡王爾朱彥伯

節閏帝立以預定策功封後為高歡所殺

常山王爾朱度律

莊帝以積功封後為高歡所殺

昌黎王馮熙

以文明太后兄封子誕嗣降為侯

中山王王叡

文明太后臨朝時以恩倖封子襲嗣後降為公

上谷公紇羅

神元帝曾孫道武時封子題後進爵為王悉降為公

河間公齊

元帝元孫太武時封傳陵蘭志

文安公泥

魏之疎族道武時封子屈嗣坐事誅

遼西公意烈

昭成孫太武時進封為王後坐罪賜死傳拔干受洛粟

安平公叔孫建

以積功封後進封丹陽王傳俊捕

高陽公安同

以積功封子原
嗣後以罪誅

高邑公莫題

以征伐功封
後坐事誅

高陽公許謙

以平并州功
封子洛陽嗣

鉅鹿公長孫嵩

以軍功封後進爵
北平王子敦嗣

廣平公張黎

明元帝時以積
功後坐罪誅

常山郡公于忠

明帝時以
定策功封

燕國公盧光

以從西遷積功
封子貴嗣封

趙郡公陳建

以征伐功封後進封
魏郡王子念生嗣

趙郡公李育

武定時以拒葛榮功封子情嗣

燕郡公公孫軌

以奉使稱旨封子衡嗣

東安公劉尼

以迎立文成功封子社生嗣

廣平郡公游明根

以文臣積勞封

清河郡公蕭祗

梁武帝弟以歸魏封子放嗣

博陵郡公爾朱榮

以討賊功封後進封太原王

河間郡公爾朱弼

節閔帝時以積功封後為其帳下所殺

清河公爾朱仲遠

孝莊立封

廣宗郡公爾朱天光

以積功封後進爵為王為高歡所殺

鉅鹿郡公陸叡

東平王陸侯之裔以臣後封

范陽縣公盧辨

以從孝武遷長安封子慎嗣

靈壽縣公爾朱敞

以歸西魏封子最嗣

曲陽縣公斛斯椿

以征伐有功封卒贈常山郡王傳徵該政

安平縣公崔說

以戰功積封子弘度嗣

安平縣公子翼

以尚主封子璽嗣

廣宗縣公李崇

孝武時以歸闕中功封子敞嗣

桑乾公斛斯元壽

從孝武入關封

正定侯陸

神元之後太武時封

曲陽侯素延

桓帝之後道武時以功封坐罪國除

樂城侯興都

烈帝之後文成時封

安樂侯高閭

文帝時以積功封子元昌嗣

清河侯崔頤

以積功封

靈壽侯古弼

以積功封後坐罪誅

信都侯屈須

以襲父爵進封

衛國侯竇瑾

以積功封
後坐罪誅

固安侯李崇

以降將封子訢增封
扶風公後坐事誅

廣平侯游雅

以積
功封

柏人侯侯莫陳悅

莊宗初以積功封後以罪誅
今順德府唐山縣有柏人城

鉅鹿侯賀悅

以從平中原
功封子泥嗣

永寧侯酈范

以舊勲進封子道元嗣
○永寧今宣化府地

平恩侯崔光

以文臣封○平恩
今廣平府曲周縣

樂成侯高翼

孝宣未封
子乾嗣

東安伯刁廝

以積功封
傳遵楷冲

易陽伯賀拔勝

孝莊初以
定策功封

章武伯綦儁

孝武
時封

章武伯盧同

莊帝時以功
封子裴嗣

容城伯竇瑗

以從平葛
榮功封

固安伯李裔

以叅齊神武軍定
策功封子旦嗣

方城伯陽裴

以督護流
民功封

清河伯陸騰

以平葛榮功
封子元嗣

固安子公孫表

以積功封
後坐罪死

固安子盧元

以儒雋封子度世嗣後
進爵為侯傳伯源道舒

昌平子公孫叡良

以功
封

文安子長孫紹遠

嵩孫以從考武西
遷功封子覽嗣

高邑子李靈

以授文成帝經封
子恢嗣進爵為侯

平棘子李顯甫

靈之後以軍功封入靈從父
弟順以籌略亦封平棘子

列人子宋愔

以文臣積勞封。今廣
平府肥鄉縣有列人城

南皮子高祐

以從滅夏功封進爵為
侯傳和璧顯德政王臣

浮陽子高濟

與侄高允同徵封子矯嗣

乘氏子高季武

以功封後進封陽平縣伯

安平縣子江悅之

以降臣封子文遙嗣

易陽子劉藻

以降臣封子紹琛嗣易陽今廣平府邯鄲縣

清河縣子張烈

以戰功封

容城縣子祖瑩

以叅議律歷事封子珽嗣

漁陽縣男崔巨倫

莊宗時以不附元顯功封子子武嗣

貝邱縣男傅永

以文臣預戰功封。貝邱今廣平府清河縣

柏人男楊宣

以楊震八世孫封

阜城男斛律金

孝莊帝時賜爵後入齊以佐命功封咸陽郡王

蓀縣男李述

以冊祭燕山廟還封子象嗣

北齊

趙郡王琛

神武帝弟天平中追封子徽嗣

清河王岳

神武從父弟天保初封子邁嗣

高陽康穆王湜

神武第十一子天保初封子士義嗣

博陵文簡王濟

神武第十二子天保初封後為後主所殺子智嗣

河間王孝琬

文襄第三子天保初封後
為武成所殺子正季嗣

漁陽王紹信

文襄第六子天保
初封齊亡沒於周

范陽王紹義

文宣第三子天保初封後入
突厥周人購得之流蜀死

樂陵王百年

孝昭第二子立為太子後
為武成所殺子白澤嗣

北平王貞

武成
帝子

昌黎郡王韓鳳

後主時以
恩倖封

廣平公盛

神武從叔祖以從
起兵封子瑗嗣

博野縣公尉景

以從神武起兵
功封子榮嗣

固安縣公斛律平

以從高祖起義封

廣平郡公庫狄干

以從神武起兵功封子士文嗣

廣川縣公破六韓常

以齊受禪有功封

魏郡公任祥

以積功封子胄嗣

清河郡公斛律光

以軍功積封後被祖珽譖死

燕郡公慕容紹宗

以討侯景功封子三歲嗣

廣平郡公段韶

武威王榮子以總禁旅叅帷幄有功封

新城公張華原

以積功封子宰均嗣

昌黎郡公馮子琮

後主時封

鉅鹿縣侯魏蘭根

以文臣積勞封子相如嗣

廩陶伯叱列平

以軍功封子孝冲嗣
○今趙州寧晉縣地

廣宗縣伯潘樂

以從破爾朱兆功封

信都縣伯趙猛

姊為文穆皇后以積功封

下洛縣男段寧安

韶繼母弟韶讓封

廣阿子竇泰

以軍功封子孝敬嗣

固安縣子張遵業

以討元顥有功封

安平子陳元康

以掌機密有功
封子善藏嗣

後周

趙王招

周文帝子建
德五年封

冀王通

文帝子建
德三年封

中山公護

文帝長兄子後進封
晉國公以專權誅

廣川公測

文帝族子以從魏孝
武西遷封子該嗣

廣平郡公梁禦

以戰功封
傳睿洋

趙國公李弼

以征伐功
封子暉嗣

邢國公李曜

弼子以積功封傳寬
密。邢今順德府

燕國公于謹

栗碑之後以戰功
封傳寶顯世虔

安平公宇文愷

以積
功封

浮陽郡公獨孤信

以從魏孝武入
關封子善嗣

長樂縣公叱烈伏龜

以從征伐功
封子椿嗣

文安公周惠達

文帝時以府
司馬積功封

清河公楊素

周末以
功封

高陽郡公達奚武

以軍功封
子震嗣

長樂郡公若干惠

以翊戴功封子鳳嗣

河間郡公王德

以翊戴功封子慶嗣

趙郡公劉雄

以積功封子昇嗣

昌平郡公尉遲綱

以軍功封廣宗縣伯後進封

固安郡公韋祐

以戰功封子初嗣

博陵縣公薛溫

武帝時封

廣宗縣公魏元

以從魏孝武入關功封

高邑公庫狄峙

以奉使和蠕蠕功封子疑嗣

浮陽郡公趙剛

以復東荊州功
封傳元卿世弘

長樂郡公趙景

以戰功
積封

高邑縣公燕榮

以從平
齊功封

襄國公段文振

以功封
襄國今順德府

長樂侯深

廣川公測之
弟傳孝伯歆

廣平侯侯莫陳穎

以積
功封

索盧侯長孫儉

嵩五世孫以功封儉索
盧在冀州東強縣南

饒陽縣伯導

文帝長兄子保
定初以功封

平舒縣伯邢巒

襲父封平城子以戰功進封平舒令順天府大城縣

居庸縣伯王雅

以戰功封子世積嗣。今順天府昌平州有居庸關

固安縣伯盧誕

以鎮東將軍積功封邑五百戶

清河縣子趙肅

以運糧功封子軌嗣

長樂縣子皇甫璠

以功封

隋

河間王弘

文帝從祖弟周時從帝征伐受禪封子慶嗣

安平王嶷

太子勇之子勇敗坐廢後為煬帝所殺

高陽王說

太子勇之子勇敗坐廢後為煬帝所殺

燕王倓

煬帝孫後為宇文化及所害

趙王杲

大業九年封後為宇文化及所害

鉅鹿郡公賀婁子幹

以討尉遲回功封子善柱嗣

趙郡公陰壽

以積功封子世師嗣

趙郡公李安

以佐命功封子瓊嗣

安平郡公蘇孝慈

周封臨水縣公隋初進封子康嗣

宗城縣公劉權

以平陳功封後進封宋國公。今順德府廣宗縣

涿郡公盧楚

越王侗時封王世充篡楚不從死之

正定侯郭衍

以預奪嫡謀封

北平侯張熙

文帝受禪封

南和伯李諤

文帝受禪以功封

平鄉縣伯楊汪

以功封

文安子張大淵

以從平陳功封

唐

長樂郡王幼良

新興郡王德良之弟武德時封後坐罪賜死

河間元王孝恭

西平懷王安次子以佐命功初封趙郡後改河間圖凌烟閣子崇義嗣後

降為譙

國公

廣平王孝慈

淮安靖王神通子武德時封後降為公

河間王孝友

淮安靖王神通子武德時封後降為公

清河王孝節

淮安靖王神通子武德時封後降為公

渤海王奉慈

隴西恭王博義弟武德初封

鉅鹿王承義

太子建成子建成死時坐誅

漁陽王承鸞

巢刺王元吉子元吉死時坐誅

常山愍王承乾

太宗長子武德三年封太宗即位立為太子後坐謀逆廢為庶人徙黔州

死

趙王福

太宗子出繼隱太子貞觀十三年封子思順嗣

燕王忠

高宗長子貞觀二十年封高宗即位立為太子後仍降封王尋為許敬宗所誣賜死

恒王撝

睿宗子垂拱三年封傳珣璿

趙王業

睿宗子始封趙後進封薛王

正定王瑛

元宗子開元三年立為太子後為武惠妃所構賜死

北平王倓

靖恭太子琬子開元時封

棣王琰

元宗子開元二年始封後坐罪幽死

恒王瑱

元宗子開元二十一年封

定王侗

肅宗子至德二載封

冀王綽

順宗子貞元四年封

深王恣

憲宗子元和初封

安王湑

穆宗子長慶元年封後為仇士良所害

衛王濯

宣宗子大中十一年封

魏王侑

懿宗子咸通三年封

棣王栩

昭宗子乾寧元年封

博陵郡王崔元暉

以誅張昌宗張易之封

上谷郡王侯仲莊

以軍功封

趙國公長孫無忌

以佐命功封圖凌烟閣

衛國公李靖

以佐命功封圖凌烟閣

鉅鹿公魏徵

以輔相功封圖凌烟閣

清河郡公楊弘禮

以從征行在掌機密有功封

廣平郡公劉祥道

以武德時為內史舍人典機密定律令高宗時為右相有功封子齊

賢嗣

廣平郡公宋璟

以開元賢相有功封

趙國公李寶臣

以獻恒趙深定易五州封

鉅鹿侯魏少游

以靈武中興有功封

渤海男歐陽詢

以文臣封

鉅鹿縣男魏元同

以銀青光祿大夫積勞封

五代

安王友寧

梁太祖兄存子開平初封
○安即今保定府安州

博王友文

梁太祖養子開平初封博即今保定府博野縣

渤海郡王高萬興

梁太祖開平間以武功封。渤海郡今河間府

渤海王高季昌

梁太祖乾元三年以武功封

渤海王高季興

梁均王貞明年間由荆南節度使封

魏王繼岌

唐莊宗長子同光三年封

渤海王高從誨

季興子唐明宗長興三年以武功封

瀛王馮道

周太祖廣順間以積勞封。瀛今河間府

宋

燕懿王德昭

太祖子太平興國元年封立四年自殺

廣平郡王元僖

太宗次子太平興國七年封

冀王元份

太宗子太平興國八年封

安王元傑

太宗子太平興國八年封無子國除

鎮王元儼

太宗子景德初封廣陵王天聖七年改封○鎮今正定府

燕王俣

神宗子初封成國公徽宗時進封

景成郡王宗祐

哲宗子紹聖三年封○景今河間府景州

景王杞

徽宗子崇寧初自冀國公進封

欽定四庫全書

卷五十八

河間郡王楞

徽宗子宣和六年封

祁王模

徽宗子初封鎮國公積封至祁王。今保定府祁州

魏王愷

孝宗子初封慶王繼封魏

魏郡王楊石

理宗朝以功臣封

鉅鹿公宗實

仁宗子嘉祐間封後即帝位是為英宗

景國公僩

神宗子熙寧間封後追封冀王

瀛國公挺

徽宗子政和五年封

定國公栢

徽宗子政和初封

魏國公粵

高宗子紹興中封

祁國公竝

沂靖惠王子嘉定十四年封後進爵濟陽王

冀國公高懷德

太祖建隆間以佐命功封後追封渤海郡王

魏國公韓琦

仁宗朝以定策功封

冀國公王德用

仁宗朝以軍功封

渤海郡公吳育

仁宗天聖中以尚書左丞留守西京有功封食邑二千八百戶實封八百

戶

清河郡公張俊

高宗朝以佐中興功封

魏國公張浚

高宗朝以佐中興功封

魏國公史浩

紹興中進士官宰相以輔佐功封

魏國公留正

紹興中進士拜左丞相封魯國公寧宗嘉泰元年進封

長樂郡公張礪

實祐五年拜叅知政事以積功封

冀國公趙葵

淳祐九年授樞密使咸淳元年以積功封

河間公章岵

以知蘇州報最封

信國公文天祥

德祐時興義兵為恢復計不遂衛王即位於嶺南遙封。信國今正定府

遼

燕王德希

以中臺右相為南京留守封

燕王固雲

蜀國王巖木後受封年無考

衛王宛

景宗保寧間封衛大名府地

冀王達喇

太宗子保寧初以功封

魏國王察克

景宗孫始封中山郡王清寧初封趙國公後改封魏

廣平郡王鴻和爾

景宗孫國泰三年封

燕王烏格

聖宗子受封年無考

趙王實訥呼

天祚子初封饒樂郡王改封趙

遼西郡王楊哲

太平年進士官樞密使初封趙國公太康中進封遼西令永平府地

遼西郡王蕭錫林

重熙中官侍中十五年陞南面統軍使以積功封

魏王蕭思溫

太宗時尚燕國公主景宗保寧初以冊思溫女為后進封

燕王蕭孝穆

淳欽皇后弟太平二年以積功封

燕王蕭孝友

孝穆弟重熙間以積功封

魏國王蕭惠

淳欽皇后弟以征高麗功封

趙王蕭必實喇克

孝穆之後道宗皇后之父以戚畹封

趙王耶律阿蘓

清寧初補祇候郎君重元之亂射殺尼嚕古賜號靖亂功臣加尚父封

遼西郡王埒富

以積功封

遼西郡王馬績

太平年進士以積功封趙王太康中改封

遼西郡王蕭額哩音

阿拉次子太康時封

趙國公韓德樞

延壽子以積勞封

金

常山郡王襄

昭祖五世孫章宗朝封。常山今正定府

鉅鹿郡王宗憲

景宗曾孫天德初封

廣平郡王宗秀

穆宗孫天德初封

廣平郡王威赫

康熙子天德時封

趙王宗傑

太宗子本名沒里野大定間封

衛王宗強

太祖子本名阿魯天眷元年封

冀懿王宗輔

太祖之子世宗之父天輔二年封

魏王道濟

熙宗第二子皇統二年封

趙王索寧

世宗子大定元年封為楚王後改封趙

冀王永功

世宗子明昌元年進封

瀛王瓌

顯宗子明昌元年進封

瀛王琦

顯宗子承安四年封

邢王宗敏

本名阿里布天會元年封

廣平郡王和尼

皇統元年以軍功封

廣平郡王王伯龍

天輔二年以武功封

廣平郡王耶律恕

遼宗室正隆元年以軍功封

廣平郡王諾延溫屯思忠

太祖時累官至太傅正隆間以積勞封

廣平郡王赫舍哩志寧

世宗朝以外戚封

廣平郡王圖克坦鑑

宣宗時以積功封

廣平郡王李石

世宗時以積功封

定國公承暉

世祖曾孫宣宗時封後追封廣平郡王。定今定州

定國公匡

世祖九世孫章宗時以功封

燕國公左企弓

天輔中以歸降封

定國公圖克坦喀齊喀

世宗九年以積功封

衛國公蔡松年

由文學顯天德時以積勞封

滄海公王福

宣宗興定三年宰相請於河北州縣多置公府因封滄州經略使王福等數人

○滄海今天津府滄州

河間公伊喇忠嘉努

由河間招撫使封

恒山公武仙

由正定經略使封

高陽公張甫

由中都東路經略使封

易水公靖安民

由中都西路經略使封

趙國公圖克坦恭

天眷三年封譚國公正隆間改封

定國公圖克坦弼

至寧初以尚息國公主封

正定縣男蔡珪

松年子以文學顯大定時封

元

河間王呼爾察

太祖孫至元年封

衛王光澤

憲宗子至大三年封

廣平王哈喇班第

睿宗子天歷二年封

魏王額布格

順宗長子至正間封子博羅特穆爾亦封魏王

宣寧郡王額琳特穆爾

宗室至元年封順

宣寧郡王特穆爾布哈

宗室至元年封順

魏王巴延特穆爾

大德九年封九

冀王博囉

巴延特穆爾弟延祐四年由鎮遠王進封

魏王永和爾博囉弟延祐間封

定王賴察罕伯勒格台三世孫至治三年封

定王徹爾台賴察罕子泰定四年封

北平王鎮國高唐王德克濟古勒姪太祖朝以德克濟古勒功封

鎮陽王火天澤至元十二年以武功封鎮陽今正定府

常山王劉秉忠至元十二年以佐命功封趙國公仁宗時進封

趙王庫哩濟蘓駙馬大德二年封

趙王阿魯台駙馬延祐七年封

趙王馬布爾罕

駙馬泰定元年封

趙王珠勒呼

駙馬至大元年封

北平王訥古伯

駙馬封無考

廣平王穆哩呼

駙馬天曆二年封

趙王巴雅喀

駙馬封無考

趙王阿爾布哈

駙馬封無考

趙王準布哈

駙馬封無考

趙王囊嘉特

駙馬封無考

趙王竒浹微爾

以駙馬封
年代無考

安肅公張柔

中統元年以累立戰功
封至元四年進封蔡國

魏國公鈕祜祿忠善

至元時以守
西鄙有功封

魏國公趙孟頫

宋泰王德芳後官至翰林承旨學士
延祐中封續文獻通考作追封今照

行狀
增入

趙國公董俊

至元時以
翊運功封

趙國公圖古勒

大德七年
以積勞封

魏國公許衡

至大二年
以賢臣封

趙國公丁好禮

至正二十七年由中書平章政事謝政歸特恩封

明

燕王棣

太祖第四子後即帝位是為成祖

趙王杞

太祖第九子洪武三年封

谷王穗

太祖第十九子洪武二十六年封分藩宣府永樂中坐罪廢

衛恭王瞻埏

仁宗子未之國正統三年卒無子國除

東垣端惠王見湏

鄭王祁鈇次子贈鄭定王。東垣今正定府正定縣

蔚王厚

孝宗第三子

魏國公徐達

洪武中以積功進封食祿五千石子輝祖嗣

衛國公鄧愈

洪武中以平江左西羌功封食祿三千石子鎮嗣

定國公徐景昌

以父增壽贈定國公嗣封食祿二千五百石傳顯忠永寧光祚延德

中山侯湯和

以定中原下四川功封食祿千五百石孫傑嗣

永平侯謝成

洪武中以平西番功封食祿二千石

靖海襄毅侯吳正

洪武初以積功封。靖海今天津府靜海縣

永寧侯張銓

洪武時以平雲南功封食祿千五百石。永寧今宣化府西寧縣

樂城侯李堅

建文年封食祿千石永樂中除

保定侯孟善

永樂中以靖難功封食祿千二百石子英嗣坐法削爵

隆平侯張信

永樂中以靖難功封食祿千石世襲

安平侯李遠

永樂中以靖難功封食祿千石後戰沒子安嗣為伯坐法謫戍國除

成安侯郭亮

永樂中以靖難功封食祿一千二百石子晟嗣

廣平侯袁容

永樂中以靖難功封食祿千五百石世指揮

新城世侯張輔

永樂中以靖難功封食祿三十石世襲進封英國公子懋嗣

昌平侯楊洪

正統十四年封伯後以功進封食祿千石孫珍嗣

武清侯石亨

正統十四年以軍功封食祿三千石天順元年進封忠國公後坐事下獄國除

南和侯方瑛

景泰五年以征貴州封伯天順元年以平蠻功進封世襲

保定侯梁瑤

嗣父銘伯爵景泰三年以平貴州功進封世襲

慶雲侯周能

弘治中以積功封

保定伯梁銘

洪熙以成祖宿將及仁宗東宮舊恩封食祿千石世襲

順義伯金順

本名阿魯哥失里宣德四年以戰功封食祿八百石

永寧伯譚廣

正統六年以宿將積戰功封食祿千石

平鄉伯陳懷

正統九年以軍功封食祿千一百石後戰沒世襲指揮

撫寧伯朱謙

景泰元年以軍功封食祿千二百石子永嗣

懷柔伯施聚

景泰三年以宿將積戰功封食祿千一百石世襲

興濟伯楊善

天順元年以復辟功封食祿千二百石。興濟今河間府青縣

文安伯張輓

英國公輔弟天順元年以復辟功封食祿千二百石

武強伯楊能

天順元年以軍功封食祿千石

豐潤伯曹義

天順元年以宿將積戰功封食祿千三百石世襲

高陽伯李文

天順元年以軍功封四年奪爵

寧晉伯劉聚

成化七年以延綏戰功封食祿千石九年再以功予世襲

順義伯羅秉忠

成化四年以平蠻功封食祿千石

安平伯吳安

祿千石
以戚畹封食
後除

慶雲伯周壽

祿千石
以戚畹封食
後除

玉田伯蔣輪

祿千石
以戚畹封食
後除

安平伯方銳

祿千石
以戚畹封食
後除

固安伯陳景行

祿千石
以戚畹封食
後除

武清伯李偉

祿千石
以戚畹封食
後除

永年伯王偉

祿千石
以戚畹封食
後除

畿輔通志卷五十八